

MUAB TSO TAWM SAI LI SAI TAU
Hnub: Lub 6 Hli Ntuj tim 5, 2020

Cuag tau: Shawn Benjamin
Hauj lwm: (414) 286-3780
Cell: (414) 316-8316
Email: sbenja@milwaukee.gov

Lub Nroog Milwaukee Hla Mus Rau Ntu 3 Ntawm Qhov Kev Xaaj COVID-19

MILWAUKEE – Nyob rau lub 5 Hlis Ntuj tim 15, 2020, Milwaukee Health Department tau tshaj tawm ib qhov kev xaaj rau kev noj qab hauv huv thiab kev nyab xeeb “Coj Milwaukee Mus Tom Ntej.” Qhov kev xaaj no siv cov ntaub ntawv los ntawm kev ntsuam xyuas uas ua ntu zus los nroog rau lub hom phiaj kom raws li tsoom fwv thia lub xeev txoj kev qhia. Qhov kev npaj no yog los xyuas txog tej yam lub Nroog Milwaukee xav tau nyob rau lub sij hawm no uas muab los ntawm tej kev tshuaj ntsuam tawm tshiab. Milwaukee txo tau tus kab mob COVID-19 zuj zus lawm tab sis peb tseem tshuav hauj lwm ntau. Peb yuav xyuas ntxiv mus txog qhov tseem ceeb ntawm kev rov qab qhib cov lag luam uas kaw lawm thiab cov twb qhib lawm kom tseem qhib tau mus ntxiv thiab kev ua hauj lwm rau txhua hom lag luam ntawm peb kam noj kev haus.

Raws lis hais ua ntej lwm, qhov peb lub Nroog yuav hla tau ib ntu zuj zus mus yog los ntawm 5 Yam and lub hom phiaj (Five Key Indicators and Gating Criteria):

Kev Mob Nkeeg: *Ntsuas seb muaj tus kab mob COVID-19 ntau npaum li cas nyob hauv peb lub nroog thiab seb muaj teeb meem lis cas.*

Cov neeg muaj mob yuav hloov ceev heev ntawm ib hnub mus rau ib hnub, peb txiav txim siab siv ib qhov kev ntsuas hu ua Linear Regression los ntsuas qhov peb ua tau. Qhov kev ntsuas no siv raws li sawv daws siv ntawm $p < 0.05$ rau qhov txawv; qhov nod ua rau peb qhia tau txog qhov kev ntsuas kom tseeb thiab tso siab. Kuj muaj kev cov nyom txog qhov los ntsuas cov mob neeg mob. Vim tias cov ntaub ntawv ntawm cov chaw ua hauj lwm (lab) thiab kev xa cov ntaub ntawv ntawm cov neeg muaj mob mus rau hauv peb lub xeev qhov chaw ua hauj lwm saib xyuas kev muaj kab mob (Wisconsin Electronic Disease Surveillance System los yog WEDSS) qeeb lawm, peb pom tias nws yog ib qhov tseem ceeb uas yuav tau tsis txhob xam 5 hnub kawg los rau qhov kev ntsuas no. QHIA PAUB: 5 hnub uas tsis muab los xam no tseem tsis tau muab suav rau cov hnub uas qhia tawm qeeb vim tias kev tshuaj ntsuam ntau dhau heev lawm (tam sim no yog 10-14 hnub qeeb). Peb yuav ntsuas dua mus ntxiv txog qhov kev qhia thiab koom tes nroog rau lub xeev thiab county los kho rau yav tom ntej

Tam Sim No Zoo Li Cas Lawm – XIM DAJ—Tsis pom txawv- 0.764 ntawm nyob rau lub 6 Hli Ntuj tim 5. Nce los ntawm XIM LIAB lub lim piam tag los.

Kev kuaj mob: *Chiv keeb yog ntsuas txog rab peev xwm ntawm cov neeg muaj tus tsos mob COVID-19 mus kuaj tau mob.*

Raws li WEDSS, lub lim piam tag los no cov ntaub ntawv qhia tias muaj txog 230 thiab 470 tus neeg mus kuaj nyob hauv ib hnuv. Txawm peb paub tias yeej muaj cov chaw kuaj mob lawm thiab muaj li 300-2000 tus neeg yeej mus kuaj txhua hnuv txij thaum pib muaj cov chaw kuaj nyob rau sab qaum teb thiab sab qab teb thaum lub 5/12, WEDSS tsis tau suav txog cov neeg mus kuaj no. Peb tshuaj ntsuam txog qhov ua hauj lwm qeeb no thiab paub tau tias nws yog 10-14 qeeb nyob rau hauv cov ntawv qhia txog kev mus kuaj mob nyob rau hauv qhov ceeb cov ntaub ntawv tseg (system). Peb muab cov neeg kuaj mob uas tsis tau muab xam rau hauv qhov kev qhia thiab suav cov kuaj txhua hnuv ua tsis tau muab cov los suav nrog rau peb cov nab npawb suav txhua hnuv. Tam sim no muaj 740 mus txog 1619 tus neeg kuaj mob hauv ib hnuv.

Thaum tshaj tawm qhov kev Xaaj 2, lub hom phiaj peb npaj kuaj neeg mob yog >2,400 tus neeg raws li Milwaukee County lub hom phiaj uas kuaj 4,000 tus neeg hauv ib hnuv. Txij thuam ntawv los, peb paub tias rab peev xwv kuaj neeg mob nce mus tsawg kawg 4,000 rau ib hnuv uas tsis xam kev kuaj mob nyob rau lwm qhov chaw. Kev kuaj muaj xws li rau cov neeg tsis muaj tus tsos mob thiab cov muaj tus tsos mob nrog rau kev kuaj ua yog PCR- uas yog muab rwb mus nrws hauv qhov tswv thiab caj pas thiab kuaj ntshav.

Raws lis cov ntaub ntawv muaj tshiab hais txog kev kuaj mob tau pes tsawg feem ntawm cov pej xeem, peb txiav txim siab lawm tias lub hom phiaj kuaj mob muab hloov los rau 2,000 rau xiv ntsuab thiab 1,999-1,200 rau xiv daj, tsawg tshaj 1,200 rau xiv liab.

Txawm tias qhov chaw kuaj tshiab nyob rau sab qaum teb (Barack Obama High School) raug xaiv thiab pib kuaj rau hnuv Monday 6 Hli Ntuj tim 1, cov nab npawb kuaj mob tseem qis heev rau ob qhov chaw kuaj mob. Peb pom tau tias qhov tsis muaj neeg tuaj no yog vim muaj kev tawm tsam rau kev tsis ncaj ncee thiab kev ua phem los ntawm cov tub ceev xwm pib lub lim piam tag los no. Tsis tas li, kev xav ntawm cov neeg txog cov tub rog (WI National Guard) ua cov tuaj kuaj mob yuav yog ib qho ua rau kev kuaj mob thiaj li nqis. Peb yuav soj ntsuam ntxiv mus seb cov chaw kuaj mob no ho ua tau hauj lwm zoo li cas, tab sis peb kuj thov nqua hu cov pej xeem, tshwj xeeb cov uas tau mus tawm tsam uas tej zaum yuav muaj feem raug tus kab mob COVID-19 ntau tshaj kom tuaj kuaj mob. Thov mus saib peb lub website kom paub ntau ntxiv txog cov chaw kuaj mob: [www.milwaukee.gov/coronavirus los yog huv 2-1-1](http://www.milwaukee.gov/coronavirus%20los%20huv%202-1-1).

Tam Sim No Zo Li Cas Lawm – Ua tau zoo lawm tab sis kwv yees tias nyob rau xim DAJ rau lub 6 Ntuj tim 5 (thaj tsam 1120 tus neeg kuaj mob txhua hnuv). Nce ntawm xim LIAB los lub lim piam tag los.

Kev Kho Mob: *Qhov feem pua ntawm cov neeg mob pw hauv tsev kho mob uas muaj tus kab mob COVID-19 thiab lub tsev kho mob muaj rab peev xwm los kho cov neeg muaj kab mob COVID-19.*

Qhov tsawg tshaj uas yuav hla tau mus tom ntej yog 95-99% uas tsis muaj mob nyav THIAB 0-20% ntawm cov neeg mob hauv tsev kho mob yog mob COVID

Tam Sim No Zoo Li Cas Lawm – DAJ—[raws li Milwaukee County COVID-19 daim Ntawv Qhia \(Map\)](#) rau lub 6 Hli Ntuj tim 5 (qhov nruab nrab yog 10%). Tsis muaj dab tsi hloov txij lub lim piam tag los.

Kev Nyab Xeeb: *Muaj cov khoom siv tiv thaiv PPE rau cov neeg ua hauj lwm hauv tsev kho mob/tus neeg mob, cov chaw tus neeg mus ib lub sij hawm ntev, thiab cov neeg mus thauj neeg mob. Cov khoom muaj xws li ntaub npog qhov ncauj, tsho loj hnav tuaj sab nraum, thiab hnav loj tes.*

Qhov tsawg tshaj uas yuav hla tau mus tom ntej yog muaj cov khoom siv tiv thaiv PPE txaus rau cov tsev kho mob loj siv kom kav 8-28 hnuv.

Tam Sim No Zoo Li Cas Lawm

– DAJ—[raws li Milwaukee County COVID-19 daim Ntawv Qhia](#) rau lub 6 Ntuj tim 5. Tsis muaj dab tsi hloov txij lub lim piam tag los.

Taug Qab: *Qhov kev ntsuas no yog xyuas txog MHD rab peev xwm los suav, taug qab, thiab saib xyuas cov neeg muaj tus kab mob COVID-19 thiab kev sib kis.*

Vim tias muaj kev cov nyom ntau yam, MHD tau hloov qhov kev ntsuas los suav cov neeg coob muaj mob thiab tau ntxiv cov neeg ua hauj lwm mus taug qab cov neeg mob (tam sim no muaj 170 tus neeg ua hauj lwm). Qhov kev ntsuas yav tag los yog taug qab cov muaj mob nyob rau hauv 24 teev tom qab tau txais ntawv los ntawm WEDSS. Vim tias muaj teeb meem txog kev sib txuas lus (technical issue) nrog rau WEDSS, qhov kev ntsuas no tsis tseeb raws lis qhov peb ua tau. Peb twb hloov qhov kev ntsuas no kom peb cov neeg ua hauj lwm tiv tauj cov neeg muaj mob COVID 3 zaug tom qab tau txais tsab ntawv. Lub sij hawm siv, qhov nrub nrab yog 7 hnuv. 100-95% yog xim ntsuab, 94-50% yog xim daj, <49% thiab qis tshaj yog liab.

Tam Sim No Zoo Li Cas Lawm – DAJ nyob rau lub 6 Hli Ntuj tim 5 (78% ua tau zoo). Hloov los ntawm xim LIAB lub lim piam tag los.

Thaum peb hla mus rau Ntu 3 thiab dhua yav ntawd mus, yuav pub cov lag luam rov qab qhib thiab cia neeg rov qhab mus ua hauj lwm uas yuav muaj kev ntsuas nrog rau tej pov thawj thiab ua kom raws li tus txheej txheem Nyob Kom Sib Nrug thiab Muaj Kev Tiv Thaiv thiab Muaj Kev Qhia Kom Neeg Paub Ua Hauj Lwm. Muaj ntau yam kev pab cuam rau txhua hom lag luam nyob online (*thov saiv hauv qab*). Lub Nroog Milwaukee yuav muaj kev qhia webinar rau cov tswv lag luam thiab cov neeg ua hauj lwm rau tej hom kev qhia nyob rau 2-3 lub lim piam yuav tuaj no. Cov kev qhia no yuav muab tso tawm rau hauv peb lub website www.milwaukee.gov/MMFS. Nyob rau lub 5 Hlis Ntuj tim 16, yog thawj lub webinar uas qhia rau cov chaw ua plob hau/caws plob hau thiab cov chaw txiav plob hau nrog rau Barbicide; muaj 900 tus neeg tuaj koom.

Qhov kev xaaj no yog rau tag nrho cov lag luam thiab chaw ua hauj lwm nyob rau hauv lub Nroog Milwaukee. Qhov kev Xaaj 3 muaj ntau yam hloov rau ntau hom lag luam/chaw ua hauj lwm. Nco qab ntsoov, **los lus “capacity” hais txog lub tsev loj (building) ntim tau neeg ntau npaum li cas. Cov tswv lag luam thiab cov neeg ua hauj lwm muaj txoj cai tsis qhib kom txog lub sij hawm peb hla dhau ib ntus zuj zus mus lawm thiab los xaus lus rau peb kev ua hauj lwm kho tus mob COVID-19:**

- **Chaw Da Dej (Beaches)** – Txhua tus neeg thiab cov tsiaj yuav tau ua raw nraim li tus txheej txheem Nyob Kom Sib Nrug thiab Muaj Kev Tiv Thaiv. Txwv tsis pub ib pab neeg ua si (sport) los yog hom kev ua si uas yuav tau tuav/kov lwm tus neeg nyob rau ntawm chaw da dej.
- **Nuv Ntses (Ntiav neeg cov ib pab mus nuv ntses)** – **Siv qhov tsawg tshaj ntawm 3 yam teev hauv qab no:** 1) siv 25% ntawm qhov chaw siv tau, 2) ib tug neeg rau 30 square feet los yog 3) 250 tus neeg.
- **Chaw Zov Me Nyuam xws li Kev Ua Hauj Lwm Rau Cov Hluas** – siv tau 50% ntawm qhov chaw
- **Chaw teev ntuj** – **Siv qhov tsawg tshaj ntawm 3 yam teev hauv qab no:** 1) siv 25% ntawm qhov chaw siv tau, 2) ib tug neeg rau 30 square feet los yog 3) 250 tus neeg.
- **Muag Khoom Qub Ntawm Tsev (Garage Sales, Rummage and Yard Sales)** - **Siv qhov tsawg tshaj ntawm 3 yam teev hauv qab no:** 1) siv 25% ntawm qhov chaw siv tau, 2) ib tug neeg rau 30 square feet los yog 3) 250 tus neeg.
- **Sib Sau Ua Ke Hauv Tsev los yog Ib Qhov Chaw Muaj Neeg Coob** – **Siv qhov tsawg tshaj ntawm 3 yam teev hauv qab no:** 1) siv 25% ntawm qhov chaw siv tau, 2) ib tug neeg rau 30 square feet los yog 3) 250 tus neeg. CEEB TOOM – lub Nroog Milwaukee nrog rau lub chaw ua hauj lwm MHD thiab lub Department of Public Works thiab Milwaukee County Parks muaj cai tsis lees ntawv tso cai yog tias muaj kab mob COVID-19 sib kis nyob rau

hauv lub zej zog. Thaj tsam uas muaj tus kab mob COVID-19 ntau tshaj yuav muab coj los saib xyuas txhua lub lim piam thiab yuav coj los siv rau Ntu 3 thiab mus lawm yav tom ntej. Kev nyab xeeb yog peb qhov kev txhawj xeeb loj tshaj plaws.

- **Chaw Mus Ua Exercise (Gyms and Athletic Centers) – Siv qhov tsawg tshaj ntawm 3 yam teev hauv qab no:** 1) siv 25% ntawm qhov chaw siv tau, 2) ib tug neeg rau 30 square feet los yog 3) 250 tus neeg.
- **Hotels/Motels** – siv 50 % ntawm qhov chaw siv tau; Lub pas da dej, lub dab dej kub thiab cov caw ua exercise tsuas pub siv qhov tsawg tshaj ntawm 3 yam teev hauv qab no: 1) siv 25% ntawm qhov chaw siv tau, 2) ib tug neeg rau 30 square feet los yog 3) 250 tus neeg.
- **Chaw Khaws Ntawv – Yuav tsum Siv qhov tsawg tshaj ntawm 3 yam teev hauv qab no:** 1) siv 25% ntawm qhov chaw siv tau, 2) ib tug neeg rau 30 square feet los yog 3) 250 tus neeg.
- **Chaw Ua Si (Places of amusement) – Yuav tsum Siv qhov tsawg tshaj ntawm 3 yam teev hauv qab no:** 1) siv 25% ntawm qhov chaw siv tau, 2) ib tug neeg rau 30 square feet los yog 3) 250 tus neeg.
- **Chaw Muag Khoom** – Siv 50% ntawm qhov chaw siv tau
- **Chaw Noj Mov/Chaw Haus Dej Cawv** – Siv 25% ntawm qhov chaw siv tau
- **Chaw Ua Plob Hau/Chaws Caws Plob Hau/Chaw Ua Rau Tes Rau Taw** – 1 tug neeg ua plob hau/ua rau tes rau taw nrog rau ib tug qhua (tus neeg tuaj ua plob hau)
- **Chaw Muag Khoom** - Siv 50% ntawm qhov chaw siv tau
- **Kev Ua Hauj Lwm Nrog Cov Hlua Rau Summer** – Siv 50% ntawm qhov chaw siv tau.
Yuav tsum muaj tus txheej txheem rau Kev Nyob Sib Nrug thiab Kev Tiv Thaiv rau txhua tus neeg nyob rau ntawm thaj chaw ntawd (cov neeg ua hauj lwm thiab cov neeg txais kev pab):
- Nyob sib nrug kom deb 6 feet ntawm lwm cov neeg/cov qhua
- Txhawb thiab ntxhuav tes nrog sab npum thiab dej ntev li 20 seconds kom ntau li ntau ntau los yog siv tshuaj ntxuav tes
- Txhawb kom neeg siv tes tsho los yog luj tshib npog qhov ncauj thaum hnoos los yog txham
- Nquag tu tej chaw siv heev xws li rooj tog, chaw zaum, txee thiab qhia kev tu rau cov neeg ua hauj lwm thiab cov qua;
- Txhawb tsis pub neeg sib tuav tes los yog sib puag thaum sib ntsib

- Pom zoo kom siv ntaub npog qhov cauj qhov ntswg. Tso cai rau cov lag luam kom siv qhov nod los ua ib txoj cai rau kev ua hauj lwm rau neeg. Peb pom zoo kom cov neeg ua hauj lwm/cov qhua siv cov hnab looj qhov ncauj qhov ntswg ib zaug xwb.

Ceeb Toom: pom zoo kom siv ntaub npog qhov ncauj qhov ntswg tab sis tsis yog ib qhov Thoob Plaws Lub Nroog yuav tsum tau ua nyob rau qhov kev Xaaj 3 vim muaj kev txhawj xeeb uas tej zaum kuj muaj teeb meem rau cov neeg xiam hoob qhab los yog yuav muaj tsis txaus siv

Qhov kev xaaj kuj tau hais tias txhua lub chaw ua hauj lwm yuav tsum tau ua raws nraim li lwm cov kev pom zoo txog kev noj qab haus huv uas hais tawm los ntawm cov chaw ua hauj lwm xws li State of Wisconsin Department of Health Services, Milwaukee County Department of Health & Human Services and the U.S. Centers for Disease Control and Prevention; thiab tsim ib txoj caij txwv tsis pub cov neeg ua hauj lwm nkag mus rau hauv qhov chaw ua hauj lwm yog tias lawv muaj tus tsos mob ua pa tsis tau los yog tau nyob nrog ib tug neeg paub tias muaj tus kab mob COVID-19.

Kev pab cuam ntxiv rau cov tswv lag luam thiab cov neeg ua hauj lwm:

Centers for Disease Control and Prevention

Kev Qhia Txog Kab Mob Coronavirus 19 (COVID-19)—*Muaj ntaub ntawv qhia txog tej hom hauj lwm/lag luam*

<https://www.cdc.gov/coronavirus/2019-ncov/community/large-events/mass-gatherings-ready-for-covid-19.html#postponing>

Milwaukee Metropolitan Association of Commerce

Kev qhia txog tus kab mob Coronavirus nyob rau lub sij hawm muaj mob

<https://coronavirus-mmacc.org/>

Wisconsin Department of Health Services—Muaj ntaub ntawv qhia txog kev sib kis kab mob

COVID-19: Lag Luam, Chaw Ua Hauj Lwm, thiab Cov Neeg Ua Hauj Lwm

<https://www.dhs.wisconsin.gov/covid-19/employers.htm>

Wisconsin Department of Trade and Consumer Protection

Kev Pab Cuam rau kev rov qab qhib kev ua hauj lwm/nthuav kev ua hauj lwm thiab kom tsis txhob kis tau tus kab mob COVID-19:

<https://datcp.wi.gov/Documents/ReopeningRestaurantsCovid19.pdf>

Wisconsin Economic Development Corporation

COVID-19 Kev Pab Cuam Rau Cov Lag Luam

<https://wedc.org/programs-and-resources/covid-19-response/>

NTU TOM NTEJ (4 thiab 5)

Peb lub hom phiaj rau qhov kev kho tus kab mob COVID-19 yog tiv thaiv kom tsis txhob muaj neeg ploj tuaj thiab xiam hoob qhab ntxiv nyob rau lub sij hawm muaj kab mob. Peb to tau tias cov kev xaaj txog kev noj qab haus huv yog ib qhov nyuaj heev thiab raug tag nrho peb cov pej xeeb Milwaukeeans, tab sis nws yog ib qhov tseem ceeb uas peb yuav tau ceev faj thaum peb rov qab qhib lub nroog. Peb tau hnov los ntawm coob tus tswv lag luam thiab cov pej xeeb muaj kev txhawj xeeb uas txhawb peb lub zog kom peb ua tau hauj lwm thiab muab lawv thiab lawv tsev neeg txoj kev noj qab haus huv tso ua ntej, tshwj xeeb yog cov uas muaj mob thiab cov tsis taus. Nws yog peb txoj hauj lwm ntawm cov neeg hauj lwm saib xyuas kev noj qab haus huv los ua txoj hauj lwm no, siv tej ntaub ntawv thiab kev tshawb fawb los txiav txim siab. Ziaj no, tus kab mob yeej tseem kis tas zog ntxiv thooob teb chaws. Peb xav kom txhua leej txhua tus nyias ua nyias txoj hauj lwm thiab muab kev koom tes kom tus kab mob COVID-19 tsis txhob kis tau ntxiv lawm. Peb xav rov qab hais dua tias tus kab mob COVID-19 tsis tau ploj thaum lub tsev hais plaub loj Supreme Court txiav txim tsis siv qhov kev Xaaj Nyob Hauv Tsev Nyab Xeeb Dua. Muaj ntau qhov chaw uas lub xeev tau rov qab qhib pom tau tias muaj cov neeg muaj tus mob COVID-19 nce siab heev, thiab kuj yog ib qhov kev txiav txim nyuab uas yuav rov qab muaj ib qhov kev xaaj dua thiab muab cov lag luag kaw uas muaj kev sib kis mob. MHD cog lus los coj peb mus rau yav tom ntej thiab yuav ua kom zoo li zoo tau thiab kom muaj kev nyab xeeb rau sawv daws. Peb tso siab rau kauj raum peb taug mus tom ntej. Thov Nyob Nyab Xeeb Milwaukee.

Thov mus saib peb lub website kom paub txog cov ntaub ntawv thiab tej yam hloov tshiab:

<https://city.milwaukee.gov/MMFS>.

###